

الرشاد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفتة لقي مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف ادیب

جلد ١-٨

٣١ مایس ١٣٢٨

پنجشنبه

٢٧ جمادی الاخر ١٣٣٠

عدد ١٥-١٩٧

رہم و رضواناً و اذا حلتم فاصطادوا ولا یجرمنکم شأن قوم ان صدوکم عن المسجد الحرام ان تعتدوا و تعاونوا علی الائم و العدوان و اتقوا اللہ ان اللہ شدید العقاب . . . دن عبارتدر - اولہ سبیل کہ بو آیتلر منادہ نازل اولمشدر . نصل کہ بیهقینک تخریجنہ کورہ اسمائت یزید بوسورہ نک اوللرینک منادہ نزولنی روایت ایدر . « اليوم اکملت لکم . . . » آیت کریمہ سنکدہ عرفاتدہ نزولی همان درجہ شہرتہ واصل اولمشدر . احتمالکہ بو سورہ جلیلہ نک ہبسی حجۃ الوداع سفری اثناسندہ نازل اولمش اولسون . ذاتاً بو خصوصی تأیید ایدہ بیلہ جک بعض خبرلردہ وارد اولمشدر .

حلم ثابت

فلسفہ

اسلامیتدہ فن و فلسفہ

ابن جریر . — سعیدک درسخانہ عرفانندہ تنور ایدن فیاض دماغلر آرسندہ ابن جزلہ نکدہ بولندیغنی سوبلہ مشہدک .
ابن جزلہ استادنک دہای فضیلتی اخلافہ طانتدیرمش و معلم عرفانی حقندہ حرمت و تجیل عامہ بی جلیہ موفق اولمشدر .
کتاب الحکمما و ابوالفرج مشارالیک نامنی (ابوعلی یحیی بن عیسی) صورتندہ قیدایدیورلرسدہ سائر تراجم احوال کتابلرندہ (ابوالحسن علی بن عیسی بن جزلہ الکاتب البغدادی) طرزندہ مقید اولدینی کوریلور .

تاریخ علومندہ ایسہ بویوک داهی (ابن جزلہ) عنوانیلہ اشتہار ایلمشدر . ابن جزلہ اون دردنجی عصر میلادینک ابتدالرندہ بغداددہ مہد آرای عالم شہود اولمشدر .

کاتب چلبی مرحوم تاریخ وفاتنسک اون برنجی عصر میلادینک نہایتلرینہ یعنی ہجرتک (۴۹۳) نجی سنہ سنہ مصادف اولدیغنی بیان ایدیور . شو حالہ ، برطرفدہ ابن جزلہ کی جہان اسلامہ حزمات عرفان صاجان بر نجم معرفت افول ایدرکن دیگر طرفدہ عالم اسلام فلاکت نثار برکابوس آلتہ کیریورلدی . فی الحقیقہ قدس شریفک اہل صلیب طرفندن ایلک اشغالی تاریخی بوزمانہ تصادف ایدرلر . کتاب الحکمما مؤلفی ایلہ ابوالفرج ایسہ مشارالیک ہجرتک (۴۷۳) نجی سنہ سنہ وفات ایتمش اولدیغنی ادعا ایدیورلر .

فقط ؛ ابن جزلہ نک (۴۶۸) تاریخندہ مقام خلافتی احراز ایدن مقتدی با مرالہ نامنہ بر جوق آثار اتحاد ایتمش اولدیغنی باقیلورسہ کاتب چلبی نک بیان ایتدیکی تاریخک حقیقتہ دہا زیادہ مقارن اولدیغنی قبول ایتک ایجاب ایدر .
مشارالیک پارس کتبخانہ سنندہ محفوظ (منہاج) نام اثرینک

دعا ایدیلدی . ذاتاً اول حضرت علی الا کثر دعای عقیب عبادتدہ دکل ، اثنای عبادتدہ یاپارلردی .

ایام تشریقک اورتہلرندہ - یوم نحرک ایکنجی کونندہ اولہ جق - منادہ ایکنجی دفعہ اولمق اوزرہ بر خطبہ ایراد بیوردیلر . ابن عمرک روایتنہ کورہ ینہ شو کوندہ اولہ جق : « اذا جاء نصر اللہ و الفتح . . . » سورہ جلیلہ سی نازل اولہرق اصحاب کراجمہ بوجک حقیقتاً « حجۃ الوداع » اولدینی تخمین ایدیش ایدی .

علیہ الصلاة والسلام افدمن جمہ ایرتہ سی ، بازار ، بازار ایرتہ سی کونلری منادہ قالدیلر . بو کونلردہ منوال سابق اوزرہ رمی جہرات ایدیلدی . صالی کونینک زوائتہ قدر دخی اورادہ قالہرق صوک رمی جہاری متعاقب « محصب » نام محلہ کلدیلر . قافلہ نبویدن اول حرکت ایدن ابورافع بالتصادف بوراسنی بکنہرک ال حضرت ایچون چادیر قورمشلردی . پیغمبر وکلہ ، ایکندی ، اقشام ، یاتسو نمازلرینی قلدیلر . بو صرہلردہ ام المؤمنین حضرت عائشہ آیروجہ بر عمرہ کتیرمک ایچون مساعده ایدیلسنی اول حضرتدن استرحام ایلدی . پیغمبر افدمنر پاکلکہ ایردکن صوکرا عرفہ وقفہ سنی متعاقب اجرا ایتدیکی طواف وسعیک حج ایچون کفایت ایدہ جکنی سولدیلر . فقط حضرت عائشہ اصل عندالاحرام نیت ایتدکری عمرہ نک عادتی سبیلہ اجرا ایدیلہ مہ مسندن کولکلرندہ بر عقدہ بولندیغنی درمیان ایدنجہ ، برادری عبدالرحمن بن ابی بکر ایلہ « تنعیم » دنیان یردن احرامہ کیرہرک عمرہ کتیرمہ لرینہ اذن و یریلدی . عمرہ لرینی کیجہ لین اکال ایدہرک نزد رسالتہ عودت ایتدیلر . علیہ الصلاة والسلام افدمنر : « ایشتہ بو عمرہ اولجہ معذرتدن طولانی کتیرہ مدیکک عمرہ نک مقامنہ قائم اولدی » بویوردیلر .

پیغمبر افدمنر حضرتلری یاتسو نمازندن صوکرا آراجق او بویہرق استراحت ایتمش بولندقلرندن حضرت عائشہ و عبدالرحمانک عودتلرینی متعاقب مکہ ایسہرک کیجہ لین سحر و قتلرندہ رمل یا بعمدن طواف وداعی اجرا بویوردیلر . بعدہ صباح نمازینی حرم شریفدہ ادا ایلہ مکہ مکرمہ نک آشاغی طرفلرندن حقیقہرق مدینہ منورہ یہ متوجہاً حرکت ایدیلدی .

نبی محترم افدمنر حضرتلری شواونونجی سنہ حجی اثناسندہ امتہ قارشی وداع ایتدیکندن بوکا « حجۃ الوداع » نامی و یریلمشدر . حقیقہ حجی متعاقب اول حضرت جوق یا شامہ یوب ارتحال داربقا بویورمشلردر ؛ بو حجہ صوک حجلی اولمشدر .

ارباب تفسیر و سیرک روایتلرینہ کورہ سورہ مائدہ نک اوللری دخی بوسفر اثناسندہ ، یا کلیرکن مکہ ایلہ مدینہ آراسندہ ، یا عرفاتدہ و یاخود منادہ نازل اولمشدر . سورہ مائدہ نک برنجی و ایکنجی آیتلری - کہ « یا ایہا الذین آمنوا افوا بالعهود احلت لکم بہیمۃ الانعام الا ما یتلی علیکم غیر محلی الصيد وانتم حرم ان اللہ یحکم ما یرید . یا ایہا الذین آمنوا لا تحلوا شعائر اللہ ولا الشہر الحرام یتغنون فضلاً من

نهایتاً درج ایداش اولان ترجمه حالده (۴۹۳) سنه سی شعبانده و نالت ایتش اولدینی تصریح ایدلشددر .

ابن جزله اصلاً بغداد خرسیتانلردن ایدی . اوراده کی خرسیتان مکتبلرنده اکیال تحصیل ایتدکدن صوکره سعیدک درس خانه عرفانه ملازمته باشلامش ، وطب تحصیلنه قویولمشدر .

کندیسنک خارقه نما ذکاو فعالیتی ، استادینک فیاض حزمات عرفانی سایه سنده آز مدته رفقاسنه غبطه بخش اوله جق بر اقتدار علمی ، بر شهرت طبی قازانمش ونه نهایت بغدادک اک حاذق اطبایی صره سنه یکمشددر .

ابن جزله ، بالاخره منطق وفلسفه تحصیلنه هوس ایدهرک او ائناده بغدادده منطق وفلسفه ده پارلاق بر شهرت صاحبی اولان رئیس المعتزلین ابو علی نک درس لرینه ملازمه باشلادی .

حکمیات تحصیلنده ایلرله دجه ؛ ابن جزله نک دماغی درین اندیشه لر ، طوفان انکیز شه لر آلتنده ازیلیور ، صارصیلیوردی . فلسفه ومنطقک متین وناقابل اندراس براهینی قارشوسنده ، کندیسنه آباء کنیسا طرفندن اوتهدنبری دین نامنه تلقین ایدیلن شیرک وهمیات عادیه درک سنه دوشدک لرینی ، حقیقت کسوه سی آلتنده اوکره تیان سفسطه لرک ، حزمات شمسه معروض بوز طبقه سی کبی اریوب زائل اولدقلرینی کورمش ، بو آندن اعتباراً خرسیتانلغه اولان اعتمادقلیبسی یاواش یاواش صارصیلمغه باشلامشدی .

آرتق پدرینک عقیده سنه ایمان ایده میوردی . اصل برعزم ، وجدانی بر میل ایله احکام اسلامیه نک تدقیقنه قویولدی .

حکمت عالیه وفنون مثبته ایله حقایق اسلامیه آره سنده کی قطعیت توافق ، کندیسنی حیران براقیور ، دین احمدینک سادکی وعلویتنه قارشو قلبی بر عشق طویلیوردی . تبعاتنه دوام ایتدکجه انجذاب وجدانیسی ده اونسبتده کسب شدت ایدیوردی .

اختلاس ایده بیله دیکی زمانلرینی علم کلام تحصیلنه حصر ایلدی . هنکام تدرسه ابوعلی ایله مهم مباحثه لرده ذهنته خطور ایده بیلن شبهه لری سرد ایدهرک مدید مناقشه لردن فارغ اولیوردی .

ابوعلی نک قوه افتناعیه سی ، قطعی برهانلری ، اسلامیتک علویتنه ، وعقل وفنه موافق بر دین حقیقی اولدیغنه دائر ؛ کندیسنده لایتزلزل بر قناعت وجدانیه ، صمیمی بر تصدیق دماغی حاصل ایلدی . نهایت ابن جزله فکر و وجدانه مقاومت ایده مدی : اسلامیتی قبول ایدهرک اهتدا ایلدیکنی اعلاندن چکینمدی .

ابن جزله وجدانی بر تصدیق ، علمی بر قناعتله اسلامیه ایمان ایتش اولدیغندن ، بعدا اهتدا ، بوتون مساعیسنی اسلامیتک علویتنی منکرینه قارشو مدافعه یه حصر ایلشددر .

یازدینی کتابلرده اسلامیتدن باشقه هیچ بر دینک فن وفلسفه ایله قابل تألیف اوله میه جغنی ، متفنن بر حکیم دین نامنه مسلمانلقدن باشقه برشی قبول ایده میه جگنی قطعی ومنطقی دلیل لرله اثباته چالشددر .

یک کوزل بیله دیکی خرسیتانلغه قارشو بی ایمان هجوملرده بولمقدن چکینم امش ، آباء کنیسانیه نک وهمیاتی تهکم آمیز افاده لرله چور و تمش ، اسکی دینداش لرینی شفیق بر قارداش صفتیه حقیقی قبوله دعوتدن بر آن فارغ اولمشدر .

(راهب الیاس) نامنده بر خرسیتان عالمه خطاباً یازدینی کتایده عقیده نصرانییه بی ایمان برهانلره تنقید ایتش . اسلامیتک علویتنی رنگین وقطعی افاده لرله تصریحه چالیشمش وهر ایکی دینک احکام اساسیه سنی متفنن بر حکیم صفتیه مقایسه ایدرک حکم قطعی نی ویرمشددر . تاریخ هجرینک (۴۶۶) نجی سنه سنده اکمال ایتدیکی بو کتایده ، ابن جزله نه کی مقاومتسوز براهین عقلیه سوقیه اهتدا ایتش اولدیغنی ، اسلامیتک جاذب وحکمت آمیز علویت وساده لکنه قارشو ، کندیسنده نه صورتله وجدانی بر عشق حاصل اولدیغنی ، فکر حکمت وطرق منطقیه اوکنده خرسیتانلغک هیچ بر مقاومت کوستره مدیکی حالده اسلامیتک نصل اعتلا عرض ایتدیکنی اوزون اوزادی به تشریح ایلشددر .

ابن جزله ، فلسفه ، منطق ، علوم حکمیه وطبیعیه ، فیزیولوژی علم تشریح وفن طبده تفرد ایتش اعظم دندر .

فلسفه وادیانه عائد یک درین تدقیقانه بولنش و متفنن بر فیلسوف ایچون اسلامیتدن باشقه بر دین قبولی ممکن اوله میه جغنه علماً قناعت حاصل ایتشددر .

تثلیث ایله اساسات فیه نک تألیفی ممکن اوله میه جغنی ، خرسیتانلغک روما ویونان قدیم خرا لرله بوس بوتون قاریش دیرلش اولدیغنی ، حضرت عیسی نک تلقینانیه آباء کنیسانیه نک ترهاتی آره سنده هیچ بر مناسبت بولمادیغنی قطعی افاده لرله تصریحدن چکینم امشددر .

مدالی اعدادیسی مدیری - مابعدی وار -

م . شمس الدین

الجماعیه

هویت ملیه

بر ملتک هویتی ، یعنی اصل ثابتی ، هردلو مؤثرات خارجیه نک تأثیرندن آزاده بر ماهیت مستقله اولیوب عنعنات ، عادات ، معتقدات وسائر کبی بر طاقم مؤثرات قویه نک خلاصه متمثله سیدر . بو حقیقت بتون ارباب عقولک قبول ایتدک لری بر دستور قطعیدر .

هر قومک آثار مدنییه سی ده هویت ملیه سنه خاص اولان استعداد کامنک صور واشکال بارزه سیدر . نوعلری ، ماهیتلری نه اولورسه اولسون اقوام مختلفه طرفندن وجوده کتیر یان اثرلرک کافه سی آنلرک شخصیتلرینه خاص اولان بر تمغایی حائزدر .

مثلا هر هانکی بر صنعتک اسلوبینده کی خصوصیت بارزه آنی وجوده کتیرن قومک شخصیتنی او اثرک آهنگ عمومیسندنه - فقط